



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XXXVI.

urn:nbn:de:hbz:466:1-11261

CAPVT XXXV.

Monasterium S. Isidori de Duenas, in regno Legionensi, apud Hispanos.

714.

Sunt qui putant hoc monasterium fundatum à *Garzia* Rege Legionensi. Ex vetustis monumentis constat illud antiquius esse temporibus dicti Regis & *Alfonsi* parentis ipsius, adeoque fundatum fuisse ante *Maurorum* in Hispaniam aduentum, qui contigit anno 714. *Alfonsus VI.* Rex Legionensis, hoc monasterium cum reliquis sui regni, submisit Congregationi Cluniacensi: vt tradit *Prudentius Sandouallius*, in foundationibus monasteriorum Benedictinorum in Hispania. Floruit autem *Alfonsus VI.* Era 1118. id est an. Christi 1100.

1900.

CAPVT XXXVI.

S. Magni Fussenfense monasterium, in Sueuia.

720.

S Magni Faucense cœnobium, in *Alpestri* Sueuia ad *Lycum* amnem, in eiusdem nominis oppido situm, diœcesis *Augustanæ*, dictum olim *Faucensa*, nunc mutata parum voce *Fussenfense*, quod intra Sueuiæ alpium fauces quasi lateat; id, inquam, fundatum est anno Domini 720. ad preces *S. Magni*, vnus ex primis Germaniæ Apostolis à potentissimo Francorum Rege *Pipino*; postea auctum & locupletatum à *Carolo Magno* Rege, & à

VVicter-

VVicterpo Episcopo Augustano; dotatum vero à Leopoldo Austriae Marchione, & Guelphone Sueuorum Duce. Ita ferè Bruschius.

Murbachium in Superiore Alsatia.

Est hoc monasterium vnum ex quatuor Germaniæ potentissimis, quorum Abbates singulari dignitate ceteris Abbatibus præminent, & vt Romani Imperij Principes, omnibus Imperij causis interesse solent. Fundatum legitur anno circiter 724. ab Eberhardo Sueuiæ & Alemanniæ Duce, petente S. Pirminio Meldensi Episcopo, & approbante Theoderico Francorum Rege. Cuius diploma haud abs re fuerit hic adscribere.

724.

Theodericus Rex Francorum, viris apostolicis, Patribus, Episcopis, nec non & illustribus viris, Ducibus, Patricijs, Comitibus, vel omnibus agentibus tam presentibus quàm futuris, &c. Igitur dum venerabilis vir Pirminius gratia Dei Episcopus, nostris temporibus cum monachis suis Deo inspirante pro Euangelio Christi peregrinatione suscepta, monasterium virorum in eremo vasta quæ Vosagus appellatur, in pago Alsacensi, in loco qui vocatur Viuaris peregrinorum, qui ante appellatus est Mourbach, allodio fidelis nostri Ebrohardi Comitum, cum ipsius adiutorio, Deo cooperante, conatus est construere monasterium, vel cœnobium sanctum ibidē instituere in honorem Dei & genitricis, D. nostri Iesu Christi, &c.

Gun

Gundolfi villa in Dei nomine feliciter, Amen.

*Fabarium, in D. Churiensi Germanicè Pfef-
fers.*

734.

FVndatum id legitur suasu S. Pirminij E-
piscopi Meldensis, & Abbatis primi in
Augia diuite, sumptibus *Caroli Martelli*, sub
Theoderico II. Galliarum Rege, eodemque
Alemanniæ, Rhetiæ, & Heluetiæ Domino
anno Christi 734. Primus Abbas Fabariensis
fuit dictus S. *Pirminius*, multorum cœnobi-
orum pater atque instaurator. Sunt autem
thermæ Fabarienses apud Germanos nobilif-
simæ utpote saluberrimæ. Ita ferè *Bruchius*
libro citato.

*Manseense monasterium, vulgò Mansee, in
Austria.*

739.

Monasterium hoc *Vtilo Dux*, instinctu
S. Pirminij, Episcopi Metensis, prope
Menen lacum Noricorum construxit, circa
annum 739. *Auentinus* in *Annalibus*: *Man-
see Noricorum adem, ab Episcopis Ratisbonen-
sibus in paupertatem redactam, D. Benedicti
imposito magistro reddit Imperator Henricus
sanctus. Idem Auentinus; Baturicus Episco-
pus Ratisbonensis hoc monasterium ab Hemma
Regina Boiorum impetrarat an. 831. Ipsa ab eo-
dē superius monasterium Ratisbonense receperat.*

Inser.

Infertum est autem hoc monasterium ceteris Bauaricis, quòd à Principibus Bauariæ sit institutum: Et quia olim vnà cum eiusdem monasterij aduocata, castro ac dominio *VVildeneck* sub quo situm est, spectabat ad principes inferioris Bauariæ; quæ post bellum Bauaricum Cæsari Maximiliano I. cum multis alijs Dominijs nomine expēsarum factarum, ab Alberto Duce Bauariæ data sunt, incorporata Austriæ super Anassum, Archiepiscopis Salisburgensibus pluribus annis oppignorata, demum à Statibus prouincialibus super Anassum redempta, hodie Austriacos agnoscunt suos dominos. Sic Hundius in Metropli sua Salisburgensi,

Burense monasterium, vulgò Beurn, prope Alpes, in diœcesi Erisingensi.

Nobiles ac pij viri, *Landfridus, VValdramus, Elilandus*, fratres, Comites ab Antorf & Loyfa dicti, filij Theodeberti ducis tertij, ex familia primorum Ducum & Regum Bauariæ, anno 740. (quo tempore *S. Bonifacius*, Moguntinensis Archiepiscopus, in Francia Orientali, Frisia, Austrasia & Bauaria fidem Christi seminabat, & plura Monasteria vbique construebantur) octo Monasteria prope Alpes & Lycum ædificarunt & fundarunt, quinq; pro maribus, nempe *Beurn, Schlechdorf, Sinerstat, Sandau, VVessenprum*, tria pro virginibus, *Polliug,*
Staf-

740.

Staffelsee, *Cocklsee*, quibus præfecta est *Gelouinda*, soror fundatorum. Hæc omnia monasteria *S. Bonifacius* Archiepiscopus Moguntinensis dicitur consecrasse ijsque regulam *S. Benedicti* præscripsisse. Quæ quidem monasteria per Vngaros deuantantur, anno 973. *Cochelsee*, & *Staffelsee*, ad lacus eiusdem nominis; *Smerstat* verò & *Sandau*, haud longè à Lyco sita, ab Vgris excisa delataque, penitus interierunt: cetera verò restituta sunt. Hoc nostrum *Burense* monasterium reficitur per *Richolthum* Præsulem, sub Ottone, secundo Imperatore, & *S. Vlrico*, Episcopo Augustano.

Reiectis Augustinianis monachis, operâ *Adalberonis*, Comititis de Sempra, Aduocati huius monasterij, restituitur Benedictinis, per *Heinricum* tertium Imperatorem, qui eò *Helengeriorem*, Abbatem Tigurinum, cum duodecim monachis transtulit.

Henricus quartus *Abbatiam Burensem*, dictam in pago *Sondergeu*, in comitatu *Sigmari* Comititis sitam, *Eleuhardo*, Episcopo *Frisengensi*, & illius Ecclesiæ, tradidit; ita vt liberam potestatem habeat tenendi, construendi, & quidquid ad communem illius Ecclesiæ vtilitatem voluerit faciendi, anno 1065. sic
ferè *Huadius*.

(:o:)

†